



Na osnovu odredbe člana 20. Zakona o dopunskim pravima branitelja/branilaca i članova njihovih obitelji/porodica ("Službene novine Tuzlanskog kantona", broj: 10/20 – prečišćen tekst, 14/22, 9/23, 5/24, 13/24 i 3/26), odredbe člana 17. Odluke o utvrđivanju uslova, ograničenja, kriterija i postupka dodjele stipendija braniocima Bosne i Hercegovine i djeci branilaca ("Službene novine Tuzlanskog kantona", broj: 5/24 i broj: 02/1-04-005539/26 od 04.03.2026. godine) i Odluke o raspisivanju javnih konkursa i utvrđivanju teksta javnih konkursa za dodjelu stipendija braniocima Bosne i Hercegovine i djeci branilaca u 2026. godini, broj: D-15/1-11-002246/26 od 04.03.2026. godine, Ministarstvo za boračka pitanja Tuzlanskog kantona objavljuje

K O N K U R S

za dodjelu stipendija učenicima iz reda branilačke populacije Tuzlanskog kantona za školsku 2025/2026. godinu

I Lica koja mogu podnijeti prijavu

Pravo na podnošenje prijave po ovom Konkursu imaju lica iz člana 20. stav (1) Zakona o dopunskim pravima branitelja/branilaca i članova njihovih obitelji/porodica ("Službene novine Tuzlanskog kantona", broj: 10/20 – prečišćen tekst, 14/22, 9/23, 5/24, 13/24 i 3/26 – u daljem tekstu: Zakon) ukoliko redovno pohađaju srednju školu, kako slijedi:

- a) dijete ratnog vojnog invalida,
- b) dijete dobitnika ratnog priznanja i odlikovanja i
- c) dijete demobilisanog branioca.

II Uslovi za podnošenje prijave

Na Konkurs se može prijaviti lice koje ispunjava uslove utvrđene odredbom člana 7. Odluke, kako slijedi:

- a) ima prijavljeno mjesto prebivališta na području Kantona, osim za povratnike u Republiku Srpsku (u daljem tekstu: RS),
- b) prava iz oblasti boračko-invalidske zaštite ostvaruje na području Kantona,
- c) je u tekućoj školskoj godini prvi put upisao određenu godinu razreda i
- d) je redovan učenik srednje škole u Bosni i Hercegovini.

III Ograničenje prava na podnošenje prijave

Pravo na podnošenje prijave po ovom Konkursu **nema** lice koje:

- a) je punoljetno, a ima dug po osnovu javnih prihoda, niti lice koje je maloljetno, a čiji roditelji/roditelj/staratelj/staratelj/bračni drug ima dug po osnovu javnih prihoda, osim ako isti imaju prebivalište na području Republike Srpske,
- b) je u tekućoj školskoj godini, u istoj ili drugoj srednjoj školi, ponovo upisalo istu školsku godinu,
- c) već prima kredit/stipendiju od nekog drugog organa, institucije ili fondacije,
- d) živi u porodičnom domaćinstvu gdje se ostvaruju mjesečna novčana primanja po članu domaćinstva veća od 50,01% prosječne neto plaće ostvarene u Federaciji BiH u prethodnoj godini prema podacima Zavoda za statistiku Federacije BiH,

- e) čiji je roditelj kao demobilisani branilac učestvovao u pripremama za odbranu ili u odbrani Bosne i Hercegovine, od 18.09.1991. do 22.04.1996. godine, a nema najmanje 12 mjeseci učešća u Oružanim snagama Bosne i Hercegovine, pod uslovom da ne postoje okolnosti iz člana 36. Zakona o pravima branilaca i članova njihovih porodica („Službene novine Federacije Bosne i Hercegovine“, broj: 33/04, 56/05 – ispr., 44/05 - odluka US, 70/07, 9/10, 95/13 – odluka US, 90/17, 29/22 i 60/24) i
- f) ima ostvaren prosjek ocjena ispod 3,5 izuzev lica koje upisuje drugi, treći ili četvrti razred, a obrazuje se za deficitarna zanimanja, u skladu sa odlukom koju donosi Vlada Kantona za svaku školsku godinu.

IV Kriteriji za bodovanje

Rang lista se utvrđuje na osnovu ostvarenog broja bodova utvrđenog po osnovu sljedećih kriterija:

- a) ostvarenog uspjeha u prethodno završenoj školskoj godini,
- b) imovinskog cenzusa,
- c) boračkog statusa,
- d) ratnih priznanja i odlikovanja i
- f) osvojenih nagrada i plaketa.

V Izbor lica bez bodovanja

- (1) Lica sa prosjekom ocjena 5,00 uvrstit će se na listu bez utvrđivanja bodova po kriterijima iz tačke IV ovog Konkursa, pod uslovom da članovi porodičnog domaćinstva sa kojima živi lice ne ostvaruju mjesečna novčana primanja po članu domaćinstva veća od 50,01% prosječne neto plaće ostvarene u Federaciji u prethodnoj godini prema podacima Zavoda za statistiku Federacije Bosne i Hercegovine.
- (2) Pod prosjekom ocjena iz stava (1) ovog člana podrazumijeva se ukupan prosjek ocjena lica u toku školovanja u srednjoj školi koju pohađa, a u slučaju upisa prvog razreda srednje škole, prosjek ocjena iz prethodne četiri godine redovnog školovanja.

VI Prioritet pri jednakom broju bodova

Ukoliko na listi dva ili više lica imaju isti ukupan broj bodova, izuzev lica iz tačke V ovog Konkursa, prednost po navedenom redoslijedu ima:

- a) lice u statusu učenika koje je dijete poginulog, umrlog ili nestalog branitelja,
- b) lice u statusu učenika koje je dijete ratnog vojnog invalida sa većim procentom invaliditeta,
- c) lice u statusu učenika koje je dijete dobitnika većeg ratnog priznanja i odlikovanja,
- d) lice u statusu učenika koje je dijete demobilisanog branioca sa dužim stažom učešća roditelja u Oružanim snagama,
- e) lice u statusu učenika sa većim prosjekom ocjena i
- f) lice u statusu učenika lošijeg materijalnog položaja.

VII Prava i obaveze lica i način isplate sredstava

- (1) Lice koje ostvari pravo na stipendiju, obavezno je sa Ministarstvom zaključiti Ugovor o stipendiranju, u roku od 30 dana od dana isticanja Konačne liste na internet stranici Vlade Tuzlanskog kantona.
- (2) Lice koje ostvari pravo na stipendiju, a koje u roku iz stava (1) ove tačke ne potpiše ugovor, smatrat će se da je odustalo od stipendije, izuzev u slučaju ukoliko u roku od najdalje 60 dana od dana isticanja Konačne rang liste dokaže na osnovu pismenih dokaza da iz opravdanih razloga nije bilo u mogućnosti pristupiti potpisivanju ugovora.
- (3) Ugovor potpisuje punoljetno lice, a za maloljetno lice ugovor potpisuje roditelj ili staratelj.

VIII Gubitak prava na stipendiju i povrat stipendije

- (1) Lice koje je steklo pravo na stipendiju, gubi pravo na dalju isplatu, ako u toku školske godine:
- a) bude upućen na izdržavanje kazne zatvora u trajanju dužem od tri mjeseca,
 - b) bude mu izrečena disciplinska mjera isključenja iz srednje škole,
 - c) redovno ne nastavi školovanje u drugom polugodištu, što se dokazuje uvjerenjem,



- d) po nekom drugom osnovu mu prestane status redovnog učenika,
- e) počne da prima stipendiju od drugog davaoca stipendije, od dana početka primanja te stipendije i
- f) naknadno se utvrdi da su prilikom prijave na konkurs od strane lica iznesene netačne činjenice (materijalno stanje lica i članova porodice, izjava da ne prima stipendiju iz drugog izvora, i dr).
- (2) Lice koje je steklo pravo na stipendiju, dužno je prijaviti svaku nastalu promjenu iz stava (1) ove tačke u roku od 15 dana od dana nastanka promjene.
- (3) U slučajevima iz stava (1) ove tačke, potpisnik ugovora je dužan vratiti sav iznos primljenih sredstava, osim u slučajevima gubitka prava na dalju isplatu stipendije iz razloga propisanih u stavu (1) tačkama c) i d) ove tačke, koji su nastali zbog više sile koja je dovela do onemogućavanja ili ometanja izvršenja obaveza iz ugovora.
- (4) Viša sila podrazumijeva ekstremne i vanredne događaje koji se nisu mogli predvidjeti, izbjeći i otkloniti i koji su se dogodili bez volje i uticaja strana u ugovoru.
- (5) Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi, nesposobnost, teška bolest, invalidnost).
- (6) Stipendija se isplaćuje u devet rata, ovisno od priliva sredstava u Budžet Kantona putem računa otvorenog kod banke lica koje je ostvarilo prvo na stipendiju, u skladu sa ugovorom o stipendiranju.
- (7) U svim slučajevima gdje lice dobrovoljno ne izvrši povrat isplaćenih stipendija zbog nastupanja okolnosti iz stava (1) ove tačke, Ministarstvo je obavezno pokrenuti postupak pred nadležnim sudom u cilju povrata stipendija uz pripadajuću zakonsku kamatu.

IX Potrebna dokumentacija

Anex V.

Popis potrebne dokumentacije uz prijavu za dodjelu stipendije licu u statusu redovnog učenika

Redni broj:	Naziv dokumenta	Organ koji ga izdaje dokument
1.	Prijava za učešće na konkursu - <i>Anex IV (original)</i>	Ministarstvo za boračka pitanja Tuzlanskog kantona
2.	Kućna lista u kojoj su navedeni svi punoljetni članovi porodičnog domaćinstva, <i>(original ili ovjerena fotokopija),</i> Napomena: <i>Ukoliko lice nema navedena oba roditelja na listi dostaviti odgovarajući dokaz o istom: (presudu o razvodu braka, izvod iz matične knjige rođenih ili umrlih ili ovjerenu izjavu na osnovu koje se može utvrditi status roditelja)</i>	Nadležna gradska/općinska služba
3.	Dokaz o pripadnosti boračkoj populaciji: 1. posljednje rješenje na snazi nosioca prava, 2. uvjerenje o dužini učešća u OS BiH, <i>(oba dokumenta kumulativno) i</i> 3. izvod iz matične knjige rođenih za lice koje je podnijelo prijavu za stipendiju a u momentu raspisivanja konkursa je punoljetno	Gradska/općinska služba nadležna za boračko invalidsku zaštitu (tč.1) Grupa za pitanja iz oblasti vojne evidencije (tč.2) Nadležna gradska/općinska služba (tč.3.)
4.	Dokazi o zaposlenju i visini stalnih izvora prihoda za sve punoljetne članove porodičnog domaćinstva navedene u kućnoj listi a) platna lista neposredno prije objave konkursa ili uvjerenje poslodavca o posljednjoj isplaćenoj plaći i visini posljednje mjesečne plaće ili b) original posljednji ček od PIO penzije neposredno prije objave konkursa ili fotokopija istog, c) obrazac JS 3650 za lica koja imaju registrovanu samostalnu	Porezna uprava FBiH, Ispostave Porezne uprave ili Poslodavac kod kojeg je zaposlenje ili PIO/MIO ili Porezna uprava FBiH



	djelatnost. <i>(original ili ovjerena fotokopija)</i>	Ispostava Porezne uprave
5.	a) uvjerenje službe za zapošljavanje za sve nezaposlene članove domaćinstva navedene u kućnoj listi <i>a ukoliko se isti ne vode na evidenciji službe za zapošljavanje, za sve nezaposlene članove domaćinstva dostaviti</i> b) uvjerenje iz ispostave porezne uprave da se lice ne vodi u jedinstvenom sistemu registracije, kontrole i naplate doprinosa kao dokaz o statusu nezaposlenosti, <i>(original ili ovjerena fotokopija),</i>	Služba za za zapošljavanje ili Porezna uprava FBiH Ispostave porezne uprave
6.	Shodno odredbi tačke 26. podtačke c) alineja 3. Smjernica o minimalnim standardima dodjele proračunskih sredstava putem transfera i subvencija u Federaciji Bosne i Hercegovine ("Službene novine Federacije BiH", broj: 37/24), kandidati su dužni dostaviti uvjerenje o postojanju/nepostojanju duga po osnovu javnih prihoda za lice kao podnosioca zahtjeva i sva punoljetna lica navedena u kućnoj listi, izuzev za lica koja imaju prebivalište u Republici Srpskoj <i>(original ili ovjerena fotokopija)</i>	Porezna uprava FBiH Ispostave porezne uprave
7.	Uvjerenje o redovnom školovanju <i>(original ili ovjerena fotokopija)</i>	Ustanove visokog/srednjeg obrazovanja
8.	Uvjerenje o redovnom školovanju/studiranju za sve članove porodičnog domaćinstva, navedene na kućnoj listi, koji se nalaze na redovnom školovanju <i>(original ili ovjerena fotokopija)</i>	Ustanove visokog/srednjeg obrazovanja
9.	Uvjerenje sa utvrđenim prosjekom ocjena u prethodno završenoj školskoj godini, <i>(original ili ovjerena fotokopija)</i> a u slučaju upisa prve godine srednje škole prosjek ocjena iz prethodne četiri godine redovnog školovanja ili svjedočanstva o završenim razredima <i>(original ili ovjerena fotokopija)</i>	Ustanove srednjeg / osnovnog obrazovanja
10.	Dokaz o osvojenim nagradama i priznanjima u školskim i nastavnim aktivnostima iz prethodne školske godine: diploma o proglašenju učenika generacije; osvojene nagrade i priznanja na: međunarodnom/državnom/federalnom/kantonalnom takmičenju) <i>(original ili ovjerena fotokopija)</i>	Obrazovne ustanove
11.	Rješenje o starateljstvu nad malodobnom djecom ukoliko je lice pod starateljstvom <i>(original ili ovjerena fotokopija)</i>	Centar za socijalni rad
12.	Izjava da lice ne prima stipendiju po drugom osnovu ovjerenu od strane nadležnog općinskog organa uprava ili notara (Aneks VI) <i>(original)</i>	Nadležna gradska/općinska služba ili notar
13.	Broj žiro računa podnosioca prijave - učenika Kopija žiro računa se dostavlja uz prijavu ili nakon isticanja konačne rang liste.	Poslovna banka

Udove koje koriste pravo na porodičnu PIO/MIO penziju, pored čeka PIO/MIO OBAVEZNE su dostaviti i dokaz o radno pravnom statusu-kumulativno (tačke 4. i 5. Popisa potrebne dokumentacije – Aneks II).

Uz dokumentaciju se prilaže i fotokopija žiro računa otvorenog kod poslovne banke, na ime UČENIKA.

Dokumentacija iz Aneksa II ne može biti starija od 30 dana od dana objave Konkursa, **izuzev** dokumentacije iz tačke 3. Aneksa II.



X Rokovi za podnošenje zahtjeva

(1) Rok za podnošenje prijave po ovom Konkursu je 15 dana od dana objavljivanja na internet-stranici Vlade Kantona, odnosno od **09.03.2026. - 24.03.2026. godine (utorak).**

(2) Činjenice iz prijave se uzimaju u razmatranje onakve kakve su bile na dan zaključivanja konkursa. Dokumentacija dostavljena nakon isteka roka za podnošenje prijave, ne može se uzimati u obzir kao validna u postupku po prigovoru.

(3) Popunjena i potpisana jednoobrazna prijava na Konkurs sa potrebnom dokumentacijom, podnosi se u zatvorenoj koverti, u roku od 15 dana od dana objavljivanja Konkursa, na pisarnicu Ureda za zajedničke poslove kantonalnih organa uprave ili preporučeno putem pošte na adresu Ureda za zajedničke poslove kantonalnih organa uprave, ul. Fra Grge Martića broj 8, 75000 Tuzla

[sa naznakom]

Ministarstvo za boračka pitanja Tuzlanskog kantona,

“Prijava za učešće na Konkursu za dodjelu stipendija učenicima boračke populacije Tuzlanskog kantona za školsku 2025/2026. godinu“

(4) Tekst Konkursa, Obrazac prijave (Aneks IV), popis potrebne dokumentacije (Aneks V) i obrazac izjave (Aneks VI) zainteresovano lice može preuzeti:

- sa web - stranice Vlade Tuzlanskog kantona,
- u gradskoj/općinskoj službi nadležnoj za poslove boračko-invalidske zaštite i
- u kantonalnim boračkim savezima i udruženjima.

NAPOMENA:

Neblagovremene prijave ne mogu se uzeti u razmatranje.

O neblagovremenim, nepotpunim i neosnovanim prijavama, lica se obavještavaju isticanjem zasebnih listi.

Komisija zadržava pravo poništenja Konkursa u bilo kojoj fazi konkursne procedure.

MINISTARSTVO ZA BORAČKA PITANJA TUZLANSKOG KANTONA

Komisija za razmatranje prijave za dodjelu stipendija braniteljima

Bosne i Hercegovine i djeci branitelja za studijsku/školsku

2025/2026. godinu

1. Mersiha Omerović Modrić, predsjednik

2. Dedić Amra, član

3. Halilović Samir, član

4. Banović Adolf, član

5. Jajčević Izet, član